



Codex diplomaticus Brandenburgensis

Sammlung der Urkunden, Chroniken und sonstigen Quellenschriften für
die Geschichte der Mark Brandenburg und ihrer Regenten

Sammlung für allgemeine Landes- und kurfürstliche
Haus-Angelegenheiten

Riedel, Adolph Friedrich

Berlin, 1861

162. Urfehde des Andreas Schüler wegen der Verläumdung des Kurfürsten
Joachim, vom 16. Juni 1508.

Nutzungsbedingungen

[urn:nbn:de:hbz:466:1-56615](https://nbn-resolving.org/urn:nbn:de:hbz:466:1-56615)

162. Urfehde des Andreas Schüler wegen Verläumdung des Kurfürsten Joachim,
vom 16. Juni 1508.

Als Marggraue Joachim, kurfurft etc., mein gnedigster Herr, mich aus genughen vnd billichen vrsachen hatt gefenglich setzen lassen, vnd ich von mir In welcher gestalt ich an seiner furftlichen gnaden ere vnd gelimpff mit vnwarheit gerurt vnd mit worten verletzet, dartzu auch, dieweil ick Im Rath zu Coln ein Cemerer gewesen, mich mercklich vergessen, vnd mit entwendung des geldes In meinem nutz, dem Rath vnd der gemeyn gehorig, vntrewlich gehalten vnd gehandelt, aufgesagt vnd bekant hab vnd noch bekenne, das dem also vnd war ist, derhalben mich sein furftlichen gnaden hat wollen nach meynen verdinst rechtfertigen lassen vnd nun durch meine Sone, Tochter vnd fruntschafft, bey meyner gnedigsten Frawen vnd den Rethen seiner furftlichen gnaden, meine gunstige Herrn, souill erbeten vnd erlangt, das mir sein furftlich gnaden Barmhertzigkeit vnd gnad ertzeigt vnd von mir die scherff des rechtens gnediglich gewant vnd das leben gefristet, das ich seinen furftlichen gnaden nimmermehr voldancken kan; So Swere, gerede vnd gelobe ich mit uffgerechten fingern zu gott den heiligen ein urphede, das ich solcher gefengknus vnd Handlung halben, welcherley gestalt die mit mir an leib vnd In der gut aus genughen Redlichen vrsachen gescheen, durch mich oder meine erben, fruntschafft vnd verwanten nummermehr zu ewigen Zeitten gegen genanten meinen gnedigsten Herrn, seiner furftlichen gnaden erben, der Herschafft zu Brandenburg vnd allen den, die von seiner furftlichen gnaden wegen wider mich gehandelt vnd gethan, der sach verwant vnd verdacht sein, vnd all seiner furftlichen gnaden vnd der Herschafft vnderthanen vnd verwanten, sunderlich gegen die Erbarn Rethen zu Berlin vnd Coln, gemeinen inwonern vnd ir Diner Im argen nicht gedencken wolden, effern oder rechen will mit geistlichen noch weltlichen gericht, heimlich oder offentlich, In keinerley weisz, sunder argelift vnd geuerd, wie das menschen list vnd synn erdencken mocht, als mir gott helff vnd die heiligen.

Er hatt auch die Stette Berlin vnd Coln verfworen, die Zeit seins lebens darein nicht zu komen. Acht Burger zu Coln haben solch urphede, wie sich eigent vnd geburt, verburt. Actum berlin, am freytag in der heiligen pfingstwochen, Anno etc. octauo.

Aus einem Churmärkischen Lehnscopialbuche.